


帝範

平松
入
テ1





帝範序

御製

余聞大德曰生大寶曰位辨其上下樹之君臣
所以撫育黎元陶均庶類自非克明克哲允文
允武皇天降命曆數在躬安可以濫握靈圖叨
臨神器是以翠螭薦唐堯之德玄珪賜夏禹之
功丹雘呈祥周開七百之祚素靈表慶漢啓重
世之基由此而觀帝王之業非可以智競不可
以力爭者矣昔隋季版蕩海內分崩先皇以神
武之姿當經綸之會斬靈蛇而定王業啓金鏡



而握天樞然猶五岳含氣一作三光戢曜豺狼
尚梗風塵未寧余以弱冠之年懷慷慨之志思
靜大難以濟蒼生躬擐甲冑親當矢石夕對魚
麗之陳朝臨鶴翼之圍敵無大而必摧兵何堅
而不碎剪長鯨而清四海掃機槍而廓八紘既
而承慶天潢溫登璇極襲重光之永業繼寶籙
之隆基戰戰兢兢若臨深御朽日慎一日思善
始而令終汝以幼年偏鍾慈愛義方多闕庭訓
有乖擢自維城之居屬以少陽之任未辨君臣

之禮節不知稼穡之艱難余每思此爲憂未嘗
不廢寢忘食自軒昊已降迄至周隋經天緯地
之君纂業承基之主興亡治亂其道煥焉所以
披鏡前蹤博採史籍聚其要言以爲近誠云爾

帝範上

君體篇

建親篇

求賢篇

審官篇

納諫篇

去讒篇

君體篇

夫民者國之先。國者君之本。人主之體如山岳
焉。高峻而不動。如日月焉。貞明而普照。億兆之
所瞻仰。天下之所歸往。寬大其志。足以兼苞平
正。其心足以制斷。非威德無以致遠。非慈厚一作

愛無以懷民撫九族以仁接大臣以禮奉先思孝處後思恭傾己勤勞以行德義此爲君之體也。

建親篇

夫六合曠道大寶重任曠道不可以偏制故與人共治之重任不可以獨居故與人共守之是以封建親戚以爲藩衛安危同力盛衰一心遠近相持親疎兩用則并兼路塞逆節不生昔周之興也割裂山河分王宗族內有晉鄭之輔外

有魯衛之虞故卜祚靈長歷年數百秦之季也棄淳于之策納李斯之謀不親其親獨智其智顛覆莫持二世而亡斯豈非枝葉扶疏則根柢難拔股肱既隕則心腹無依者哉漢祖初定關中戒亡秦之失一作策廣封懿親過於故一作古制大則專都偶國小則跨郡連州末大則危尾大難掉六王懷叛逆之志七國受鉅鉞之災此皆地廣兵強積勢之所致也魏武創業暗於遠圖子弟無一戶之民一作人宗室無立錫之地外

無維城以自固。內無磐石以爲基。遂乃神器保
於他人。社稷亡於異姓。故諺曰。流盡則源竭。條
落則根枯。此之謂也。夫封之太強。則爲噬臍之
患。枝致一作之太弱。則無固本之隆。由此而言。莫
若衆建宗親。而少其力。使輕重相鎮。憂樂是同。
則上無猜忌之心。下無侵冤之慮。此封建之鑑
也。

斯一作是二字如二者。安國之基。君德之弘。唯資博達。
設一作令一作命一作懸教。以術化民。應務適時。以道制物。

術以神隱爲妙道。以光大爲工。括蒼昊一作以
體心則民一作人一作仰之而不測。苞厚地以爲量。則
民循一作人一作修之而無端。蕩蕩難名。宜其不遠且敦。
穆九族。放勳流美於前。克諧烝烝。重華垂譽於
後。無以軒破義。無以踈間親。察之以明撫。之以
德。則邦家俱泰。骨肉無虞。良爲美矣。

求賢篇

夫國之匡輔。必待忠良。任使得其人。天下自治。
故堯命四岳。舜舉八元。以成恭己之隆。用贊欽

明之道士之居世一作代賢之立身莫不戢翼隱
鱗俟風雲之運懷奇蘊異思會遇之秋是以明
君傍求俊乂博訪英才搜揚仄陋不以卑而不
用不以辱而不尊昔伊尹有辛之媵臣呂望渭
濱之賤老夷吾困於縲紲韓信弊於逃亡然而
商湯不以鼎俎爲羞姬文不以屠釣爲耻卒能
獻規景毫光啓殷朝執旄牧野會昌周室齊成
一匡之業實資仲父之謀漢以六合爲家寔賴
淮陰之策故舟航之絕海也必假橈楫之功鴻

鶴之凌雲也必因羽翮之用帝王之治一作爲國
也必藉匡弼之資故求之斯勞任之則逸雖照
車十二黃金累千豈如多士之隆一賢之重此
求人之貴也

審官篇

夫設官分職所以闡化宣風故明主一作王之任
人如巧匠之制木直者以爲輶曲者以爲輪長
者以爲棟梁短者以爲拱楠無曲直長短各有
所施明王之任人亦猶如是也智者取其謀愚

者取其力勇者取其威怯者取其慎無智勇怯
兼而用之故良匠無棄材明君無棄士不以一
惡忘一作其善勿以小瑕掩其功割政分機盡
其所有然則函牛之鼎不可處以烹雞捕鼠之
狸不可使之搏獸一鈞之器不能容以江漢之
流百石之車不可滿以斗筲之粟何則大非小
之量輕非重之宜今人智有長短能有巨細或
充一作充百而尚少或統一而已多有輕材者不可委
以重任有小力一作力者不可責以大功君擇臣

而授官臣量己而受職則委任責成不勞而化
此設官之審也

斯

一作是二字

二者治亂

一作國

之源也

立國制人資

股肱以合德宣風導俗俟賢明而寄心是以列
宿騰天助陰光之夕照百川決地添溟渤之深
源以海月之凝朗猶假物而爲大况君人御下
統極理時獨運方寸之心以括九區之內不資
衆力何以成功必須明職審賢擇才分祿得其
人則風行化洽失其用則虧教傷民書曰則哲

唯難良可慎也。

納諫篇

夫王者高居深視，虧聰阻明，恐有過而不聞，懼有闕而莫補，所以設鞬樹木，思獻替之謀，傾耳虛心，佇忠正之說，言之而是，雖在僕隸芻蕘，猶不可棄言之，而非，雖在王侯卿相，未必可容其議。可觀不責其辨，其理可用，不責其文。至若折檻壞陳，標之以作戒，引裾却座，顯之以自非，故忠者瀝其心，智者盡其策，臣無隔情於上，君能

遍照於下，昏主則不然。說者拒之以威，勸者窮之以罪，大臣惜祿而莫諫，小臣畏誅而不言。恣暴虐之心，極荒淫之志，其爲壅塞無由自知，以爲德超三皇，材過五帝，至於身亡國滅，豈不悲矣。此拒諫之惡也。

去讒篇

夫讒佞之徒，國之蝥賊也。爭榮華於旦夕，競勢利於市朝，以其諂諛之姿，惡忠賢之在己。上懷其奸邪之志，怨富貴之不我先，朋黨相持，無深

而不入此周相翊無高而不昇令色巧言以親
於上先意承旨以悅於君是以朝有千臣昭一作
桓公去國而方悟弓無九石宣王終身而不知
以疎間親宋有伊戾之禍以邪敗正楚有郢宛
之誅斯乃暗主庸君以之迷惑忠臣孝子所可
泣寃故叢蘭欲茂秋風敗之王者欲明讒人蔽
之此奸佞之危也
斯一作如二字者昏明之本也砥躬礪行莫尚於
忠言毀德敗心莫逾於讒佞今人顏貌同於目

際猶不自瞻况是非在無形奚能自覩何則飾
其容者皆能窺於明鏡修其德者不知一作訪
於哲人拒善自愚何迷之甚良由逆耳之辭難
受順心之說易從彼難受者藥石之苦喉也此
易從者鴆毒之甘口也故明主一作王納諫病就
苦而能消暗主從諛命因甘而致殞可不誠哉

帝範上

明和丁亥正月

阿波源元寬菴卿謹校

帝範下

誠盈篇

崇儉篇

賞罰篇

務農篇

閱武篇

崇文篇

誠盈篇

夫君者。儉以養性。靜以修身。儉則民不勞。靜則
下不擾。民勞則怨起。下擾則政乖。人主好奇伎
淫聲。驚鳥猛獸。遊幸無度。田獵不時。如此則徭
役煩。徭役煩則人力竭。人力竭則農商之業廢。

焉人主好高臺深池雕琢刻鏤珠玉珍玩黼黻
絺綌如此則賦歛重賦歛重則民財匱民財匱
則飢寒之患主焉亂世之君極其驕奢恣其嗜
欲土木衣緹繡而民短一作短褐不全犬馬厭芻
豢而民一作人糟糠不足故人神憤怨上下乖離
佚樂未終而傾危已至此驕奢之忌也

崇儉篇

夫聖代之君存一作在乎節儉富貴廣大守之以
約睿智聰明守之以愚不以身尊而驕不以

德厚而矜物茅茨不剪采椽不斲舟車不飾衣
服無文土階不崇大羹不和非憎榮而惡味乃
處薄而行儉故風淳俗朴比屋可封此節儉之
德也

斯

一作是二字

如二者榮辱之端奢儉由人安危存已

五關近閉則令德遠盈千慾內攻則凶源外發
是以丹桂抱蠹終摧曜月之芳朱火含煙遂鬱
凌雲之燄故知驕出於志不節則志傾慾生於
身不遏則身喪故桀紂肆情而禍結堯舜約已

而福延可不務乎

賞罰篇

夫天之育物猶君之御衆天以寒暑爲德君以仁愛爲心寒暑既調則時無疾疫風雨不節則歲有飢荒仁愛下施則民一作人不彫弊教令失度則政有乖違防其害源開其利本顯罰以威之明賞以化之威立則惡者懼化行則善者勸適已而妨於道不加祿焉逆已而便於國不施刑焉故賞者不德君功之所致也罰者不怨上

罪之所當也故書曰無偏無黨王道蕩蕩此賞罰之權也

務農篇

夫食爲人天農爲政本倉廩實則知禮節衣食之則忘廉恥故躬耕東郊敬授民時國無九年之儲不足備水旱家無一年之服不足禦寒溫然而莫不帶犢佩牛棄堅就僞求伎巧之利廢農桑之基以一人耕而百人食其爲害也甚於秋螟莫若一作禾禁絕浮華勸課耕職使民還其

本俗反其真則競懷仁義之心永絕貪殘之路
此務農之本也

斯一作如二字者制俗之機子育黔黎唯資威惠
惠可懷也則殊俗歸風若披霜而照春日威可
懼也則中華懼軌若履刃而戴雷霆必須威惠
並施剛柔兩用畫刑不犯移木無欺賞罰既明
則善惡斯別仁信並著則遐迩宅心勤穡務農
則飢寒之患塞遏奢禁麗則豐厚之利興且君
子之化下如風偃草上不節心則下多逸志君

不約己而禁人為非是猶惡火之燃添薪望止
其燄忽池之濁撓浪欲澄其流不可得也莫若
先正其身則人不言而化矣

閱武篇

夫兵甲者國之凶器也土地雖廣好戰則民彫

邦境

此貞觀政要引

雖安忘戰則人怠

一作民殆

殆彫

非保全之術怠

一作政要

非擬寇之方不可

以全除不可以常用故農隙以

無政要

講武習威

儀也三年治兵辨等列也是以勾踐執蛙卒成

霸業徐偃棄武終以喪邦何則越習其威徐忘其備也孔子曰以無不教民戰是謂棄之故知孤矢立政要威以利天下此用兵之機也

崇文篇

夫功成設樂治定制禮禮樂之興以儒爲本弘風導俗莫尚於文敷教訓民一作莫善於學因文而隆道假學以光身不臨深溪不知地之厚不遊文翰不識智之源然則質蘊吳竿非括羽不美性懷辨慧非積學不成是以建明堂立璧

雍博覽百家研精六藝端拱而知天下無爲而鑑古今飛英聲騰茂實光於天下不朽者其唯爲學乎此崇文之術也

斯

一作是二字

遞爲國用至若長氣

一作氣

巨地

成敗定于鋒端巨浪滔天興亡決乎一陣當此之時則貴干戈而賤庠序及乎海岳既晏波塵已清偃七德之餘威敷九功之大化當乎此際則輕甲冑而重詩書是知文武二途捨一不可與時優劣各有其宜武士儒人焉可廢也

此十二條者。帝王之大綱也。安危興廢皆在茲乎。古人有言。非知之難。唯行之可勉。唯終實難。是以暴亂之君。非獨明於惡路。聖哲之主。豈獨見善途。良由大道遠而難遵。邪徑近而易踐。小人俯從其易。不能力行其難。故禍敗及之。君子勞處其難。不能逸居其易。故福慶流之。是知禍福無門。唯人所召。欲悔非於既往。唯慎過於將來。擇哲王以師焉。無以吾為前鑑。夫取法於上。僅得為中。取法於中。故其為下。自非上

德不可効焉。吾在位已來。所制多矣。奇麗服翫。錦繡珠玉。不絕於前。此非防慾也。雕楹割楠。高臺深池。每興其役。此非儉志也。犬馬鷹鵠。無遠必不致。此非節心也。數有行幸。以承一作人勞。此非屈己也。斯數事者。吾之深過也。勿以茲為是。而後法焉。但我濟育蒼生。其益多矣。平定區宇。其功大矣。益多損少。人一作民不以為怨。功大過微。德未以之虧。然猶盡美之蹤於焉。多愧盡善之道。顧此懷慙。况汝無纖毫之功。直緣基而

履慶若崇善以廣德則業泰而身安若肆情以
縱非則業傾而身喪且成遲敗速者國之基也
失易得難者天之位也可不惜哉可不慎哉

帝範下

明和丁亥正月

阿波源元寬苞卿謹校

附考

舊唐書經籍志下云丙部子錄儒家類帝範四卷太宗

撰賈行註
新唐書同

資治通鑑唐紀十四太宗文武大聖大廣孝皇帝下

之上云貞觀二十二年春正月己丑上作帝範十二

篇以賜太子曰君體建親求賢審官納諫去讒戒盈

崇儉賞罰務農閱武崇文且曰修身治國偏在其中

一旦不諱更無所言矣又曰汝當更求古之哲王以

爲師如吾不足法也云云舊新唐書並不載但玉海

三年正月

玉海卷二十七云會要寶曆二年五月著作郎韋公

肅注帝範十二篇上之中興書目帝範二卷年聖五四
月學士宋綬錄進帝範二卷崇寧讀書志一卷今存者

六篇

元史本紀第二十九云泰定帝泰定元年春二月甲戌命平章政事張瑄翰林學士承旨忽都魯都兒迷失學士吳澄集賢直學士鄧文康以帝範資治通鑒大學衍義貞觀政要等進講

三代實錄卷第三十二云陽成天皇元慶元年十一月三日庚子參議從三位行左衛門督大江朝臣

音人夢音人別奉勅撰群籍要覽四十卷弘帝範三

卷類聚國史卷第一百源元寬謹錄

書帝範後

帝範十二篇唐太宗文武皇帝所親述以貽孫謀也

惟太宗以天縱之姿夙建勲施化三代而後莫能若

焉文章富有亦以為盛然千載于今散軼不盡或若

問對書於孫吳大無發明識者嘗疑焉獨斯書洋洋

德音垂裕責難懷乎其可懼哉則為君父者不可不

讀也為臣子者又不可不讀也以故唐臣載書於前

元帝降命於後迨乎明清無得而稱者蓋亦泯矣

本邦故事每詔儒臣進講焉於是江參議上弘帝範

云恨坊本文字漫漶脫誤良多元寬竊憂尚矣朝求

野幕遂校成一本。刊而傳之。素所嵌注。解庸妄無取。
想出于白面之手。非賈韋之書也。悉皆刪去。庶幾還
乎舊觀。或云。書名帝範。而子命兒輩誦之。從而又刊
之。無乃大僭乎。余曰。否。二典三謨。俞咈乎廊廟。商盤
周誥。告諭乎黎庶。豈不帝王模範哉。而詩書義之府。
古之所以造士也。況語云。升高必自下。陟遠必自邇。
則斯書也。為詩書亞。誦習又何尤。今將梓。不傳其
明和丁亥正月。阿波源元寬。菴卿謹識。



書林出雲寺發行

